

Platt partu:

Rundbreef 2021-11

E-Mobilität

Al lang nich mehr de Trecker stinkt,
sietdat he Strom ut'n Stecker trinkt.
'keen will noch mit'n Stinker trecken?
Dor drop kann bloots en Trinker stecken!

Moinmoin, leve plattdüütsche Maten un Frünnen!

Jaja, de E-Mobilität! Bi Treckers duert dat wiss noch, un wo de ganze Stroom herkümmt, is ja ok noch nich wiss. Mit dat Thema un ok mit den "Trinker" heff ik wedder mogelt, sorry. Weer allens för de gode Saak :-)
Eendoon. Nu hebbt wi de düüster Johrstied faat, avers uns Maand bi Plattpartu weer bunt! He hett mit [dat schöne Aarndankfest](#) anfangen, de [Himmel weer blaag as in Sommer](#), de [Harvsttiedlose](#) wies ehr smucke Kelche, avers denn güng [de Harvstwind op de Reis](#), un nu is dat al fröh düüster. Dat [Natuurnotizbook](#) is liekers noch vull un vertellt vun snaaksche Kreatuurn un schöne Phänomene; un Thomas Seemann fohrt noch [Aalangeln](#), un [in Körbs erstickt he](#) reinweg. Hett avers 'n fein Rezept dorför.

In de tokamen Johrstied höört wi denn mehr uns Vertellers to, de vun [hölpern Navers](#) un [tosamenhöllern Familien](#) vertellt; uns junge [Seemann un sien besten Fründ gaht egen Weeg](#); un Hans Ballachs lütte Kunstfiguurn ut [Tinkerland maakt Musik](#) un harrn dat [as Slüngels](#) fuustdick achter de Lepels. Sabine Stürzer kiekt na de [Schätze, de wi in uns binnere orr reaale Kassens](#) wohrt; un Behrend Böckmann hett sik so recht op Goethe inschaten un wiest uns den [Ginkgo](#). Originell: Dat kannst mit en [öllere Översetten](#) direkt verglieken! Dat sünd twee Översetten, avers een Gedicht - - passt so recht to dat, wat Goethe seggen wull, nich?

Na dat Wahl-Drama kümmt ut Berlin eerstmal nix, dat [grote Drama üm de Welt](#) sett sik langsam in Szene; Behrend Böckmann kiekt sik uns' [Regeernsbillen ut en heel wiede Perspektive](#) an. Un de [ganz filosoophsche Perspektive](#) nimmt en niege Stimm bi uns in -- bookstävlich en niege Stimm, denn de putzige plattdüütsch-missingsche Ballaad leest he uns op en Wies vör, dat is rein to'n Högen. Dor freit wi uns to!

Nu hööp ik, dat Se ganz entspannt in den Nevelmaand rinseilt. Wi leest uns wedder in'n Dezembermaand!

Nu de Linkliste. Op de Links bruukt Se bloots klicken, dat Se henkaamt.

Plattdüütsch Kunst:

[Ginkgo Biloba](#). Överdragen na Goethe vun Behrend Böckmann (29.10.)

[Tinkerland: As dei Opas noch Schlüngels wörn](#). Vun Hans Ballach un Ludgerd Lüske (20.10.)

[De weise Diogen](#). Mit Spraakopnahm. Opschreven un vörleest vun Walter v. Bülow (6.10.)

[Tinkerland: Musik in Tinkhuusen](#). Vun Hans Ballach un Ludgerd Lüske (6.10.)

[Notizen ut'n Märzmaand](#). Fotos un Verse vun Marlou Lessing (5.10.)

[Mit Biller dör't Johr: Oktober](#). Biller vun Hildegard Tölke, Fotos vun Marlou Lessing (5.10.)

De Welt un Gott:

[Keen Kobel an](#). Vun Heinz Tiekötter (30.10.)

[Naberschaff](#). Vun Fidi Ehlbeck (24.10.)

[De Schatz in'n Kassen](#). Predigt vun Sabine Stürzer (10.10.)

[Seemannsgarn: T.S. Darmstadt](#). Vun Günter Sohnemann (10.10.)

[Fiete Lüttenhuus: Dat Bild. För Friedrich Ebert](#). Vun Friedrich Schnoor (8.10.)

[Fiern bi Corona](#). Vun Martin Ripp (8.10.)

[Dör uns Hannen. Andacht to Aarndank](#) vun Marlou Lessing (3.10.)

Dat [Notizbook vun't Erinnern](#):

[Wo sünd all de Aale hen?](#) Vun Thomas Seemann (21.10.)

[Wohen mit den Körbs?](#) Vun Thomas Seemann (12.10.)

Natuur un Wetenschap:

[Toxisch Planten: Harvsttiedlose, Oleander](#). Vun Anke Nissen (29.10.)

In't [aktuelle Natuur-Notizbook](#):

[Dat Weder sleit üm: Halo](#). Vun Marlou Lessing (29.10.)

[Lütt Pelzdeert](#). Vun Marita Pollak (26.10.)

[Harvst in Pagels' Goorn](#). Vun Stefan Siegmund-Schulze (24.10.)

[Dreck?](#) Vun Marita Pollak (21.10.)

[Fröh an'n Morr'n](#). Vun Joachim Kroll (12.10.)

[De letzte Bottervigel](#). Vun Stefan Siegmund-Schulze (5.10.)

Wat in de Welt vörgeiht:

Dat niemoodsche Triumvirat. Vun Behrend Böckmann (30.10)

Keen Last mit Stüern. Vun Heinz Tiekötter (24.10.)

In Marlou Lessings plattdüütsch Notizbook:

Weltspondag: Wahlkampf inspoorn! (29.10.)

Quo vadis, Welt? (8.10.)

Nix Nieges (5.10.)

För Kinner:

Modder Sünn ehr Kinner: De Harvstwind geht op de Reis. Märken vun Sophie Reinheimer, överdragen vun Klaus-Dieter Tüxen (20.10.)

Niege Spraakopnahmen:

De wise Diogen. Opschreven un vörleest vun Walter v. Bülow (6.10.)

Hartlich grööt

Marlou Lessing un dat lütte Plattpartu-Team